

5 септэбэ

1941 арэ

№ 69 (214)

Номерлэн дуныз 5 коп.

# ВЫЛЬ УЛОН

3-ти АРЭЭ ПОТЭ

ВКП(б)-лэн УАССР-ысь  
Понино Райкомезлэн  
но Райсоветлэн  
органзы.

## Страналы, фронтлы

### Тырмымон нянь сетоно

Военной дыре странаез ня-нен дыраз обеспечить карон-лэн важностез котькинлы валамон. Нянь кулэ страналы, кулэ фронтлы. Али котькуд колхозлэн задачаез — быдэс суткаосын кутсаськонэз организовать карыса, кутсам ю тысез сску ик государстволы сдать карыны.

Странамылы ю-нянь тырмымон но дырыз-дыр'я сётыны котькудиз колхозлэн луонлык'ёсыз вань. Та укез кулэез организовать кароно но соин кивалтоно. Районысь тымы Адамской, Слудской но Богатырской сельсовет'ёсысь колхоз'ёс государство азын ю-нянь сдать карон обязательствоосты тырмытон борды районьсытымы мукет'ёсыз колхоз'ёс сярэсь умой кадь кутскизы. Нош со тырмыт умой шуыны уг луд. Та дырозь одйгез но колхоз жег сдать карон обязательствоозь өз тырмыты на. Нош мукет'ёсыз сельсовет'ёсысь колхоз'ёс государство нянез уката каньыл сдать каро.

Государстволы котькудиз сдать карем тонна ю-нянь тушмонлы кужмо шуккет луэ, матэ каре тушмонлэсь быронэз. Тае тодытоно котькудизлы колхозниклы. Со вамен колхоз'ёсын трудовой энтузиазмез направить карыны кулэ государство азын обязательствоосты жоггес быдэстөнэ. Нош бере кылем элемент'ёслэн сыче действоосылы, куд'ёсыз туртско жегатыны государство ю тысь сётонэз, решительной уждрад'ёс кутыны кулэ. Вань уждрад'ёсты кутыно солы, чтобы государство ю тысь сётон'я график'ёсты одно ик тырмытыны. Август толэзлы тупатэм график'ёс трос колхоз'ёслэн тырмытымтэ. Сое лыдэ басьтыса вань колхоз'ёсын график'ёсты выльысь эскероно но тупат'яно со выльысь, чтобы правительствон тупатэм дыр'ёсы государство ю тысь сётонэз одно ик быдэстыны. Сое кулэ каре военной обстановка. Сое кулэ каре отечественной войнэлэн фронтэзлэн интерес'ёсыз.

### Бубыоссэс вошто

Почашевской неполной школышкола туэ дышетскон арлы, кылем арын сярэсь, пукык полэслы тросгес дасяз. Но дышет'ёсыс но дышетскисьёс со вылын өз буйгатске. Дышетскисьёс фронтэ кошкем бубыоссылэсь ужэс асьсэос быдэс'яло. Дышетскисьёслэн кужыменызы 1 но 2 септэбэ школае 20 кубометр пу ворттэмын. Дышетскисьёс бад'ям юрттэт сёто колхозной производствонно. К. Волков.

## ЛУД ВЫЛЫСЬ ИВОР'ЁС

### Государстволы ю-нянь сётонмес кужмоятоме

Вань колхозник'ёс но колхозницаас асьсэлэн самоотверженной уженызы Красной Армии тушмонэз пазяны юрто. Луд выльысь ю-нянез жог но умой октыны-калтыны туртско. Та шулдыр нунал'ёсы колхозник'ёслэн вань кужымзы ю кутсанэ но государстволы ю-нянез сётонэ пуктэмын луыны кулэ.

Азымынсь колхоз'ёс но сельсовет'ёс выль урожайысь ю тысез государство сдать каронзэс вискарятэ ортчыто. Азлыо ик ю тысез государ-

стволы поттыны кутскизы Слудской, Адамской но Богатырской сельсовет'ёсысь колхоз'ёс. Озы ик выль урожайысь ю тысэсэс поттыны ни Бад'ымшурской сельсоветысь „Чаново“ но Понинской сельсоветысь „Красные орлы“ но „Муш“ колхоз'ёс.

Али вань колхоз'ёс азын одйг ужпум сылэ: жоггес государство азын обязательствоосты тырмытыны — со асьме ласянь фронтэз юнматон'я нырысетй ужпуммы.

Г. И. Захаров.

### Умой ужамзэс возьматэ

Азинлыко орточо луд уж'ёс Адамской сельсоветысь „Колосс“ но „Красный яр“ колхоз'ёсын. „Колосс“ колхозын 3 септэбрлы ваньмыз тысё юос 50 процентлы октэмын-калтэмын вал.

Тысё юосты октон-калтон чоже татын тросэз колхозник'ёс но колхозницаос асьсэлэсь лек ужамзэс возьмат'ызы. Кылсярысь, аран машинаен арась Иванов Владимир Иосифович нормая 3,5 га интые, 6 гектарозь быдэстылэ. Максимов Василий Семенович, Баженов Яков Афанасьевич аран машинаосын 5—5,5 гектар быдэстыло. Культэ кертылонын Афонина Л. С., Максимова М. А.

но Иванова А. Н. нормая 0,35 га интые, 0,40 га но солэсь трэс быдэс'яло.

Озы ик „Красный яр“ колхозысь Будин А. С. но Баженов К. С. аран машинаосын нормая 3 га интые, быдэн 3,8 га быдэс'яло, нош Будин К. Д. 4 гектар но солэсь трэс быдэс'я.

Аслэстыз ужэе умой пуктыны быгат'ыз „Красный яр“ колхозысь машинист К. Баженов эш. Со „МК 1100“ кутсаськон машинаен 9—10 тонна кутсалля. Озы ик Адамань ужась комбайнер П. Богданов эш ужлэсь выль производительностьсэ добитьса карыскиз. Караваяев

### Нормаоссэс мултэсэн быдэс'яло

Почашево сельсоветысь Кырлуд колхозысь колхозницаос Люкина Федосия Семеновна, Бегишева Анна Кирилловна, Зюзикова Глафира но Зюзикова Анна Ивановна нуналлы быдэ нормаоссэс

мултэсэн быдэс'яло. Али таос кыин жег аранын нормая 0,13 га интые котьку но 0,14 га, 0,16 га арало. Мукет уж'ёсын но таос озы ик умой ужало.

А. Люкин.

### Етын тышканзэс быдэстызы

Почашевской сельсоветысь „Динамо“, „Труд“, „Палэз“ но „Помаг“ колхоз'ёс 3-ти септэбэ етын тышканзэс

быдэстызы. Туннэ, аскы быдэсто етын вёлдонзэс но.

Акузин.

### Етын ишконзэс но вёлдонзэс быдэстызы

Дондыкарской сельсоветысь „2-я пятилетка“ колхоз 2 септэбэ етын тышканзэс быдэстыса, 3 септэбэ етын вёлдонзэс но быдэстыз. Етын тышканзэс озы ик 3 септэбэ быдэстызы „Муравей“ но Ворошиловлэн нимыныз нима колхоз'ёс.

«2-я пятилетка» колхозысь

кыин арасьёс Максимова П. А., Булдакова Е. П. но мукет'ёсыз нормая 0,13 га интые, 0,19 га быдэстылызы.

«Ягул» колхозысь колхозницаос Дмитриева Е. П., Дмитриева З. А. но Дмитриева С. Н. нормая 0,50 га интые, быдэн 0,80 га быдэс'яло.

Максимов.

### Дырылэсь азлыо тырыз

Богатырской сельсоветысь, «Красная речка» колхозысь колхозник Муханов Михаил Филиппович туэ арлы сельхозналогзэ, страховой тыронзэ но заемзэ 100 процентлы тырыз.

Муханов эш колхозник ёслэн общей собраниязы МТФ лэсь заведующойзэ Никифоровез но вань колхозник'ёсты вань-

зэ государственной тырыськон'ёсты дырылэсь азлыо тырыны сьбраз отиз. Со аслаз выступленияз вераз, что «государственной тырыськон'ёсты ваньзэ но дырылэсь азлыо тырыса, бад'ям юрттэт сётйськомы фронтэз юнматонлы». Михаил Филиппович Муханов кыктэти группалэн инвалидэз. Блинов.



Мальцев художниклэн рисункез.  
(„Искусство“ издательствон поттэм плакатысь репродукция).  
ТАСС-лэн фотохроникаез).

## СОВЕТСКОЙ ИНФОРМБЮРОЛЭСЬ

(1-ти септэбэ жыт ивортонысь)

1 септэбэ чоже асьмелэн войскаосмы противникен жугиськон'ёс быдэс фронтын нуизы. Асьме авиация противниклэн мотомехчастьёсызлы, пехотаезлы но артиллерияезлы массивированной шуккет'ёс лэстыл'ыз но солэн

аэродром'ёсысь авиацизэ быдт'ыз. Тырмыт вумтэ даннойс'я 30 августэ омырын жугиськон'ёс дыр'я 31 немецкой самолет быдтэмын, асьме ыштон'ёс — 16 самолет.

2 септэбэ жыт ивортонысь

2 септэбэ чоже асьме войскаос тушмонлы пумит кужмо жугиськон'ёс быдэс фронтын нуизы. Кужмо жугиськон'ёс бере асьме войскаос Таллин городысь эвакуироваться карыскизы. 30 августэ 31 немецкой самолет

быдтэмын шуьса ялэмын вал. Тырмыт басьтэм лыдпуьс'я, 30 августэ 75 немецкой самолет быдтэмын. 31 августэ чоже омырын жугиськон'ёс 23 немецкой самолет быдтэмын, асьме ыштон'ёс — 12 самолет.

Фронтлэн юго-западной направленияз К. город доры немецкой войскаослэн бад'ям группазылы туж трос еужым'ёсыз бырыз, асьмелэн артиллерияезлы шылэмез улэ шедьса.

К. город доры кына ке нунал'ёс чоже жугиськыса, немец'ёслэн жытэс вераса 15 сюрэ солдат'ёсы но офицер'ёсы бырыз. Фашист'ёс жугиськем интысь ньылэ нунал чоже нулдызы бырем но сьсырем адымиоссэс.

Соосты нулдыны немец'ёс мобилизовать карыса асьсэлэсь вань автомашинаоссэс но конной повозаоссэс. Советской артиллерия та жугиськон'ёс дыр'я противниклэсь быдт'ыз 10 артиллерийской батареяоссэ, 12 минометной батареяоссэ, 29 пулеметной гнездооссэ, 22 танк'ёсэ, 84 автомашинаоссэ, трос боеприпас'ёсэс но мукет снаряжензэ.

## Иранлэн населениез Советской войскаосыз жечкыласа пумита

ТАВРИЗ, 30 августэ. (ТАСС). Быдэсак аслаз сюрэ кузяз — советской граница дурьсен ик кутыкыса — Красной Армиялэсь част'ёсэ, куд'ёсыз Иранлэн территория вылт'ыз орточо, город'ёсын но гурт'ёсын улйсьёс небыт, жечкыласа пумитало.

Населениен нырысь пумиськон'ёс ик возьмат'ызы, что иранской калык Советской Союзлэсь но Великобританилэсь чошен действеизэ шонер валазы. Тросэз иранец'ёс котькызы но тыршо асьсэлэсь яратонзэс вераны Красной Армии но Советской Союзлы. Советской правительстволэн Иранской правительстволы нотаез Иранлэн населениезлы паськыт тодмо ни.

Хамарлу гуртын ог 300 мурт люкаськызы красноармеец'ёсты пумитаны. Огкылысь тупаса вераськыназы та калык Красной Армии но Советской Союзлы асьсэлэсь пьёс яратэм зэс веразы. Келла гуртысь пинал'ёс боец'ёсы виноград поттызы; Алучжуджи гуртысь крестьянт'ёс тэргаскыса красноармеец'ёсты соосын чоп сисыкыны отылызы.

Ваньмыз адэмпотонтэмаса мячкылды немец'ёс сярэсь, соослэн иранской калыкез дружественной Советской Союзлы но Великобританилы

пумит войнае кыскыны туртскемыз сярэсь.

Тросаз гурт'ёсын улйсьёс мячкыло:

— Иранысь крестьян'ёслы немецкой агент'ёс вералызы, что германской войскаос, пе, Закавказьелэсь тросэз город'ёсэс басьтызы ни. Тэче возыт'эе пблякысконэн иранской калыкез кышкатыны малпазы.

— Нош ми, — верало тросэз, — котьку шумпотыса Советской Союзлэсь азинекон'ёсэ учкылдымы, фашистской громадослэн но авантюрист'ёслэн будысь насилызылы пумит Красной Армиялэсь дугдылэтэж юрттэт сётонзэ выт'ылдымы.

Красной Армиялэсь част'ёсэ шумпотыса пумитаса, интыын улйсьёс соослы боевой действоосты быдэс'яны юрто. Чем дыр'я перес'ёе но египт'ёс Красной Армиялэсь част'ёсэс матысь населенной пункт'ёсы проводник карыскыса нуо. Город'ёсын но селоосын сюз улйсьёс подразделениослэн командир'ёсызлы асьсэлэсь юрттэтэс, содействеизэ-чектыло.

Вань населенной пункт'ёсын, куд'ёсэ Красной Армиялэн част'ёсыз басьтэ, соку ик нормальной улон тупат'ёсэ, магазин'ёс учыло, базар'ёс вузкарэ.

1-тй СЕНТЯБРЕ

Школаын нырысетй нуналаз

Чукна. Муз'ем вылын пуж-мер. Та сизыллэсь вуэмэз шодскытэ. Шунды но аслэсты тылсиоссэ кыдэкисен пишкытэ. Дышетскыс пинал'ёс туннэ вазь ик кытсы ке дырто. Шулдыр гужемез пинал'ёс паськыт колхоз бусыосын ортчйтйзы. Уж туж трос вал. Кин усыяз, кин маштаськиз, кин урыськиз, кин араз, нош кин пинал возьмаз.

Пинал ёс ас ужаменызы туж трос колхоз'ёслы юрттйзы, соин чош ик фронтэз но юматыны юрттйзы.

1-тй сентябрь. Пинал'ёслэн туннэ мукет малпан. Таослэн дышетскон арзы вуиз. Гурезь улын гурт пуке. Нош та гурт лэн пумаз, нюк дурын вож кызыпуос улын школа сылэ. Та Понино сельсоветысь "1-тй май" колхозлэн школаез. Та колхозысь сяна татсы "Дружба" но "Муш" колхоз'ёсысь пинал'ёс ветло на.

7 час чукна. Нош школалэн азбараз трос пинал'ёс люкаськемын ни. Кин гимнастика котыре кутскемын, кин бызылэ, нош кин круген шудэ.

Ваньмызлэн школалэсь пушсэ адземзы потэ нй, нош школа пытсамын на. Со 8 часэ гинэ усыйськоз. Пинал'ёс ас куспазы война сярэсь верасько. Жоген зок будыса, дышетскыса, фашист'ёсты жугыны мыноно вал.

Звонок жынгыртйз. Та пинал'ёсты нырысетй уроке отиз. Партаос сьоры пуксыса пинал'ёс чус пуко.

Нырысетй класс. Татын 8 арес'ем пинал'ёс. Таос нырысетйзэ школае пырыса партаос сьоры пуксызы. Таос понна котьмар но интересной потэ. Котыр утчасько.

Пыре дышетйсь. Таослэн дышетйсьсы но туж егит. Ас дышетскысьсыз сямен ик та дышетыны нырысетйзэ классэ пыре. Та Мария Алексеевна луэ. Мария Алексеевна Третьякова—туэ гинэ педучилищез

быдтйз. Егит дышетйсь, ваньзэ аслэстым тодонме пинал'ёслы сёто, шуэ со. Ачиз но та пинал'ёсыз кадь ик волноваться кариське. Сотэж нокизы но уг луы. Ведь та нырысетй урок сётэ. Мария Алексеевна урокын пинал'ёсыныз тодматскем бераз, таосты валэктэ: маршы таос школае лыктйзы, мар школын пинал'ёс каро, кыче советской дышетскысь луыны кулэ. Талэсь верамзэ пинал'ёс ваньзэ валазы.

Галина Васильевна Лекомцева—школалэн заведующоез луэ. Талэн верам кылыз дышетйсьёс но дышетскысьёс понна туж валамон. Вань дышетскысьёсты школаысь та умой тодэ. Ачиз нош 3-тй классэн заниматься кариське. Со арифметика урокэ туж умой ортчйтйз. Пинал'ёс 2-тй классын ортчем материалэз умой тодо. Доска доры Миша Чупин мынэ. Сётэм примерез та шонер но туж жог лэсьтэ. Кылем аре но та "отлично" но "хорошолы" гинэ дышетскылыз. Варя Люкина но Юра Нулина озы ик зеч дышетскысьёс луо. Галина Васильевна ас пинал'ёсызлы вера: "туэ туж ответственной дыре дышетскон ар кутскиз, соин тй умой но туж умой гинэ дышетсконо луиськолы".

Нылетй классысь дышетскысьёс бадзьмесь ни. Туала дышетскон аре таос нырысетй ёзо школаез быдтозы. Военной уезд дышетскем потэ шуо таос. "Бадзьм будыса фашист'ёсты жугыны дась мед луомы—шуса верасько. Котькудйз дышетскысь толэ али Красной Армиэльсь героической жугиськемзэ, соин таослэн но зок мылкылыз лёгчикен, танкистэн, краснофлотецэн но трактористэн луыны. Виталий Люкин, мон краснофлотец луо" шуэ, нош Толя Чупин танкист луыны дасяське. Бёрысь партаысь пичи

пи омырын самолётэн лобаны дасяське.

Кыкетй классэз но вератэк кельтыны уг луы. Татын пинал'ёс шёрчидь. Золотарев Аркаша таослэн самой зеч дышетскысьсы. Нош Аля Будина, Василиса Зянгиляева Аля Баженова но Вася Баженов таослэн умой но шулдыр кырзасьёсы.

Звонок жынгыртйз. Дышетскон нунал ортчиз. Сиськем бере вичакмы колхозлы юртыны лудэ мыном, шуо пинал'ёс. Озы кутскиз нырысетй дышетскон нунал Коршуново школаын, тазы ик кутскиз дышетскон нунал, трос мукет школаосын.

Е Иванова.

Красной Армии кошкэм боец'ёслэн семьяоссылы юрттэт

Войналэн нырысей нунал'ёсаз ик СССР-лэн Верховной Советэзлэн Президиумез, война дыр'я военнослужащйёслэн рядовой но младшей начальствующей составезлэн семьяосызы специальной указэн пособияосты назначить каронлэсь но сое тыронлэсь порядоксэ юматйз. Красноармеец'ёслэн семьяоссылы юрттэт сётйське: коньдонэн, нянен, пуэн но мукетэн. Гуртазы кылем кышноос, котьмар ужын кузпал'ёссэс воштыны быгато, соос умой ужаны мед быгатозы шуса, соослы кулэ луись юрттэт сётйське.

Понино районуно но армие кошкэм боец'ёслэн семьяоссылы бадзьм юрттэт сётйське, тани коньяке факт'ёс: Бадзьмшурской сельсоветысь "1-й май" колхозысь Акулова Анна Ефимовналы, толэзлы быдэ кыкезлы пинал'ёсызы 50 манет коньдонэн но со сяна колхоз 40 килограмм нянен но пуэн юрттэт сётэ на.

Адамской сельсоветысь "Колос" колхозын Максимова Елизавета Прокопьевналы но Болтачева Аг्रेпина Павловналы мур'яоссэс сюзямын но бакчаоссы кенерамын. "Красный яр" колхозысь Харина Надежда Ильинична кыкезлы пинал'ёсызы 50 манет коньдонэн пособие басытэ, колхоз пуэн юрттэ но кемалась өвол мур'ез сюзямын. Харина Анастасия Петровна—красноармеецлэн мумиз луэ, со сяна 1925 арын вордскем сузэрэз кылыса, таос котькуд толэзлы быдэ колхозысь 2 пуд нянен юрттэт басыто.

Богатырской сельсоветысь "Красная слудка" колхозысь Пономарева Анастасия Ильинична но Агафонова Ольга Григорьевна быдэн 2 пуд нянен колхозысь юрттэт басыто.

Понино сельсоветысь "Восход" колхозысь Агафонова Вера Ивановна, 4 пинало кышномурт, кыкез пинал'ёсыз детсадэ дунтэк устройть каремын, нош одйгзэ школае интыямын. Котькуд толэзлы быдэ 75 манет пособие басытэ но со сяна 100 манет единовременной пособиэ сётэмын на.

Та выль верам мурт'ёс сяна, 42 боец'ёслэн семьяоссы колхоз'ёслэсь нянен юрттэт басыто на.

Асьме доблестной защитник'ёсмы, ас кылем семьяоссы понна скулмаськытэк улыны быгато. Таослэн семьяоссы понна малпа но скулмаське государство, таос понна скулмаське вань калык. Соин ик асьме боец'ёс фронтын но соослэн семьяоссы фронт мышкын одйг малпанэн уло, —жоггес тушмонэз пазьгыны.

Райсобеслэн заведующоез Вахрушева.

Мар ваё фашистской разбойник'ёс крестьянстволы

Фашистской атаман Гитлер, аслэстыз бандит'ёссэ оскытэ, что калык люкиське "высшей" но "низшей" расаослы, господаослы но раб'ёслы.

Высшая "раса"—та германец'ёс гинэ луо,—азыло ик—чистокровной германской помещик'ёс. Вань кылемез калык'ёс, тужгес ик славян'ёс "низшей расалы" принадлежат каро, соос "недочеловек". Германец'ёслэн задачазы, вера людоед Гитлер, луэ со, чтобы "низшей расаысь" значительной люкетсэ озы гинэ выжытэм быдтыны, нош кылемзэ берыктыны германской расаысь господаослэн раб'ёсаз.

Германской фашист'ёслэн планазы пыре вань крестьян'ёслэсь муз'емзэс талан. Гитлер гожтэ: "Вераськон мынэ со сярэсь, чтобы выльысь славянской вечи крестьянствоез муз'емлэсь палдуртыны. Соослэсь йылонзэс ичномытыны, кулэ, чтобы ужам муз'емзы германской господаослэн классылы мед выжоз".

Та грабительской планэз

земледелилэн фашистской министрз Дарре тазы ватса: "Муз'ем, кудйз завоевать каремын гсьме странаен, люкемын луоз тужгес ик отличиться кариськем солдат'ёс купын, но фашистской партилан умоесь член'ёсыз купын. Озы кылдоз выль земельной аристократия. Таизлэн аристократиялэн интйысь улйсьёс аслаз крепостнойёсыз луозы".

Кызы адзиськом, германской фашист'ёс сое уг вато, что басытэм странаосысь миллионэн лыд'яськись крестьян'ёсты таос кужмысь выжытэм быдтыны медо, соослэсь муз'емзэс таланы малпало, нош крестьян'ёсты германской помещик'ёслэн раб'ёсаз берыктыны медо.

Фашистской германиялэн нырысетй нападениез улэ Польша шедиз. Вань Польша неномере кельтытэк грабить каремын.

Польской областьёсысь тужгес ик плодородной муз'ем выльысь коренной улйсьёсты германской фашист'ёс выселить карызы. Крестьян'ёсты, пудо-животэз музэн, товарной

вагон'ёсы туллыса, неномыр котырзэс бордазы басытыны лэзытэк, кузь скорес кузя келлялызы. Вань котырзы но муз'емзы келям поляк'ёслэн, немец'ёслы сётэмын.

Миллионэн жыныен лыд'яськись поляк'ёс Германияе каторжной уже келямын.

Нуналлы быдэ Польшаын трос арест'ёс ортчо. Арестовать карем'ёсты пытать каро, концентрационной лагерьёсы куяло, ошыло но судить карытэк ыбыло.

Нош кызы уло соосыз польской крестьян'ёс, куд'ёссэ гитлеровец'ёс али азелы муз'ем вылэ кельтызы? Та крестьян'ёс 1/5 частьсэ урожайзэс германской фашист'ёслы сётоно луо. Крестьян'ёслэн кенос'ёсы тыртэмытэмын.

Одйг гуртын фашист'ёс уйин валес выльыстызы 500 крестьян'ёсты поттйзы, соос пöльык ик кышноосты, пинал'ёсты но мөйюосты, вичаксэс ыбылызы.

Сыче ик кровавой режим гитлеровец'ёс асьсэлэн зловей планазы советской крестьян'ёслы но дасязы.

Фашистской бандит'ёс олдырлы басытэм район'ёсысь крестьянстволэсь няньзэс, картовакзэс, сйльзэс, пудо жи-

вотэс но вань котырзэс тала-ло, колхозник'ёсты виыло но лулоскын сүто, кышноосты эриктэмало, соосты но соослэсь пинал'ёссэс ыбыло, быдэс гурт'ёсты сүто.

Тани коньяке факт'ёс. Борисовской районуно, Бытча селоын (Белоруссия) немец'ёс вань коркаосытй утчаськыса ветлызы, сундук'ёсты тйязы, котырзэс октызы, крестьян'ёслэсь сйльзэс, няньзэс, вань сион-юонзэс, но керосинзэс талазы. Грабительёс лампаосысь но керосинзэс кыскаса кошкызы. Вань грабить карем котырзэс гитлеровской салдат'ёс германие келяло. Фашистской командование, та разбоез поощрять каре, салдат'ёслы грабить карыса поттэм котырзэс, гурт'ёсазы посылка келяны юртэ.

"Хлебороб" колхозын, кытын фашист'ёс коньяке час гинэ улйзы, соос вал'ёсын колхозной фермаез, но троссэ колхозной гидкуаез сүтйзы, вань крестьян'ёсты грабить карызы, троссэ нылкышноосты эриктэмазы.

"Новая жизнь" колхозын фашист'ёс куризы сётыны сельсоветлэсь член'ёссэ, бригадир'ёсты но звеньеvod'ёсты. Колхозник'ёс, ас родинамылэн

патриот'ёсыз, аналскизы фашист'ёслэсь гнустной куронзэс быдэстыны. Фашист'ёс соосты сьёсьёс сямен виылызы.

Вань советской крестьян'ёслы тодыны кулэ, кыче смертельной тушмонэз таос фашист'ёслэн ымныразы адзо, куд'ёсыз миллионэн лыд'яськись ныл'ёссэ но пиоссэ зуч'ёслэсь, украинец'ёслэсь, белорусс'ёслэсь но мукет калык'ёслэсь Советской Союзысь выжытэк быдтыны медо, таланы медо соослэсь муз'емзэс, советской крестьян'ёсты малпало берыктыны вераськысьтэм раб'ёслы.

Ноку но уз луы озы! Пазянтэм стенаен, советской калык, аслаз родной Красной Армиезлы юртгыны жутскиз. Народной массаослэн ненавистьсы, изверг'ёслы пумит будэ. Фашист'ёсын огдырлы басытэм район'ёсын лек партизанской движение жутскиз. Советской Союзы юртгыны кизэс кыстыськыто вань дуннеысь эрикез яратйсь калык'ёс.

Виресь фашизм асьмелэн муз'еммы выльысь чужемын луоз.

В. Карпинский.

Отв. редактор П. Алексеев.